

## Ներսես Շնորհալի՝ «Առավոտ լուսո»

Առավոտ լուսո,  
Արեգակն արդար,  
Առ իս լույս ծագեա:

Բոխումն ի Հօրե,  
Բրդխեա ի հոգվոյս,  
Բան քեզ ի հաճոյս:

Գանձոյ ողորմութեան,  
Գանձիդ ծածկելո,  
Գըտող զիս արա:

Դուռն ողորմութեան,  
Դավանողիս բաց,  
Դասեցո վերնոցն:

Երբեակ միություն,  
Եղելոց ինսամող,  
Եվ ինձ ողորմեա:

Զարթիր, Տէր, հոգնել,  
Զարթո ըզթմրեալս,  
Զվարթնոց նըմանիլ:

Բնագիրը.

Ներսես Շնորհալի՝ «Առաւօտ լուսոյ»

Առաւօտ լուսոյ,  
Արեգակն արդար,  
Առ իս լոյս ծագեա:

Բըղխումն ի Հօրէ,  
Բըղխեա ի հոգւոյս,  
Բան քեզ ի հաճոյս:

Գանձդ ողորմութեան,  
Գանձիդ ծածկելոյ  
Գըտող զիս արա:

Դուռն ողորմութեան,  
Դաւանողիս բաց,  
Դասեցո վերնոցն:

Երբեակ միութիւն,  
Եղելոց խնամող,  
Եւ ինձ ողորմեա:

Զարթիր, Տէր, յօգնել,  
Զարթո ըզթմրեալս,  
Զուարթնոց նըմանիլ:

Էդ Հայր անսկիզբն,  
Էակից Որդի,  
Է միշտ սուրբ Հոգի:

Ընկալ զիս, գըթաճ,

Ընկալ, ողորմած,  
Ընկալ, մարդասէր:

Թագաւոր փառաց,  
Թողութեանց տուող,  
Թող ինձ գյանցանս:

Ժողովող բարեաց,  
Ժողովեա եւ զիս  
Ժողովս անդրանկաց:

Ի քէն, Տէր, հայցեմ,  
Ի մարդասիրէդ,  
Ինձ բժշկութիւն:

Լեր կեանք մեռելոյս,  
Լոյս խաւարելոյս,  
Լուծանող ցաւոյս:

Խորհրդոց գիտող,  
Խաւարիս շնորհեա  
Խորհուրդ լուսաւոր:

Ծնունդ Հօր ծոցոյ,  
Ծածկելոյս ստուերաւ  
Ծագեա զլոյս փառաց:

Կենարար փրկիչ,  
Կեցո զմեռեալս,  
Կանգնեա զգլորեալս:

Հաստեա հաւատով,  
Հաստատեա յուսով,

Հիմնեցո սիրով:

Ձայնիւ աղաչեմ,  
Ձեռօքս պաղատիմ,  
Ձիր բարեաց շնորհեա:

Ղամպարամբ լուսոյ,  
Ղեկավար ճարտար,  
Ղօղեալս ամրացո:

Ճառագայթ փառաց,  
Ճանապարհ ինձ ցոյց,  
Ճեպել ի յերկինս:

Միածինդ Հօր,  
Մոյժ զիս յառագաստ  
Մաքուր հարսանեացդ:

Յորժամ գաս փառօք  
Յահագին աւուրն,  
Յիշեա զիս, Քրիստոս:

Նորոգող հնութեանց,  
Նորոգեա եւ զիս,  
Նորոգ զարդարեա:

Շնորհատու բարեաց,  
Շնորհեա զքաւութիւն,  
Շնորհեա զթողութիւն:

Ուրախացո, Տէր,  
Ոգւոյս փրկութեամբ,  
Ոյր վասն եմ ի սուգ:

Չար մշակողին,  
Չար սերմանց նորին  
Չորացո զպըտուղն:

Պարգեւիչ քարեաց,  
Պարգեւեա իմոց  
Պարտեացս թողութիւն:

Ջուր շնորհեա աչացս,  
Ջերմ հեղուլ զարտօսք,  
Ջնջել զյանցանս:

Ռետինդ քաղցու,  
Ռամ հոգւոյս արբո,  
Ռահ ցոյց ինձ լուսոյ:

Սէր անուն Յիսուս,  
Սիրով քով ճըմլեա,  
Սիրտ իմ քարեղէն:

Վասըն գըթութեանդ  
Վասն ողորմութեանդ,  
Վերստին կեցո:

Տենչալոյդ տեսլեամք  
Տուր ինձ յագենալ,  
Տէր Յիսուս Քրիստոս:

Բարունդ երկնաւոր,  
Բոտեա զաշակերտս  
Բամից երկնայնոց:

Յօղ արեան քո, Տէր,  
Յօղեա ի հոգիս,  
Յընծասցէ անձն իմ:

Իիծեալքս մեղօք,  
Իիծեալ աղաչեմ,  
Իիսել ինձ բարիս:

Փրկիչ բոլորից,  
Փութա զիս փրկել  
Փորձութեանց մեղաց:

Քաւիչ յանցանաց,  
Քաւեա զօրհնարանս,  
Քեզ երգել զփառս:

Սուրբ Աստուածածնին բարեխօսութեամբ.  
Յիշեա, Տէր եւ ողորմեա: